



Broj: JN1-1-4-16-6-10-13/23
Banja Luka, 23.06.2023. godine

Na osnovu člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), člana 69. st. (1) tačka b) i (2) tačka d) i člana 70. stav (4) Zakona o javnim nabavkama ("Službeni glasnik BiH", br. 39/14 i 59/22), a na osnovu izvještaja o radu Komisije za javnu nabavku, generalni direktor Direkcije za civilno vazduhoplovstvo Bosne i Hercegovine donosi

O D L U K U
O PONIŠTENJU POSTUPKA JAVNE NABAVKE
ZAKUPA LICENCI ZA LOT 3 – NABAVKA SOFTVERA ZA ODRŽAVANJE ONLINE
VIDEO KONFERENCIJA

I

Poništava se postupak javne nabavke usluga zakupa licenci za Lot 3 – nabavka softvera za održavanje online video konferencija, pokrenut Odlukom o pokretanju postupka javne nabavke zakupa licenci, broj: JN1-1-4-16-6-10-2/23 od 04.05.2023. godine, zbog nedostavljanja prihvatljivih ponuda u predviđenom roku za dostavljanje ponuda.

II

Ova odluka objaviće se na veb stranici Direkcije za civilno vazduhoplovstvo Bosne i Hercegovine www.bhdca.gov.ba u skladu sa članom 70. stav (6) Zakona o javnim nabavkama.

III

Ova odluka stupa na snagu danom donošenja.

O b r a z l o ž e n j e

Na osnovu Odluke o nabavci zakupa licenci za potrebe Direkcije za civilno vazduhoplovstvo Bosne i Hercegovine, broj: JN1-1-4-16-6-10-2/23 od 4.5.2023. godine, Obavještenja o nabavci objavljenog na portalu E-nabavke, broj: 3-7-2-11-3-13/23, od 5.6.2023. godine, pokrenut je konkurentski zahtjev javne nabavke uz obaveznu primjenu e-aukcije i zaključivanjem ugovora sa jednim izabranim ponuđačem na period od godinu dana.

Komisija za javne nabavke, imenovana Odlukom o imenovanju, broj: JN1-1-4-16-6-10-3/23 od 04.05.2023. godine, konstatovala je da u predviđenom krajnjem roku za dostavljanje ponuda nije zaprimljena nijedna prihvatljiva ponuda.

Na adresu Ugovornog organa dostavljena je ponuda ponuđača Nexis d.o.o. Sarajevo u predviđenom roku.

Pregledom ponude ponuđača, komisija je konstatovala da je ponuđač NEXIS d.o.o. Sarajevo dostavio ponudu koja nije u skladu sa zahtjevima iz Tenderske dokumentacije, te da je ista ocijenjena kao nepravilna.

Tačkom 3.3. Tehnička i profesionalna sposobnost f) traženo je da ponuđač u ponudi dostavi „Pisano ovlaštenje (sertifikat, izjavu ili potvrdu) originalnog proizvođača ili ovlaštenog zastupnika ili ovlaštenog distributera ili ovlaštenog uvoznika ili ovlaštenog partnera na području Bosne i Hercegovine kojim se potvrđuje da je ponuđač ovlašten nuditi, prodavati, isporučiti, instalirati, implementirati i održavati rješenja i licence originalnog proizvođača u Bosni i Hercegovini, koje su predmet ove nabavke“.

Ponuđač NEXIS d.o.o. Sarajevo je u ponudi dostavio dokument pravnog lica Zoho Corporation B.V., The Netherlands, na kojem nema datuma, potpisa ovlaštene osobe ni pečata Zoho Corporation B.V., te Komisija nije mogla utvrditi vjerodostojnost istog i kao takav se ne može uzeti u razmatranje kao dokaz tražen tačkom 3.3. f) Tenderske dokumentacije.

S tim u vezi, Komisija je odbacila ponudu ponuđača NEXIS d.o.o. Sarajevo primjenjujući član 68. stav (4) tačka i) Zakona o javnim nabavkama BiH koji propisuje da ugovorni organ odbacuje ponudu ako nije potpuna i ne ispunjava zahtjeve iz tenderske dokumentacije.

Shodno tome, a na osnovu člana 69. st. (1) tačka b) i (2) tačka d) Zakona o javnim nabavkama ("Službeni glasnik BiH", br. 39/14 i 59/22), Komisija za javne nabavke je uputila generalnom direktoru Direkcije za civilno vazduhoplovstvo BiH preporuku za donošenje odluke o poništenju predmetnog postupka.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku: Protiv ove odluke može se izjaviti žalba Ugovornom organu, najkasnije u roku od osam (8) dana od dana prijema ove odluke.

Dostavljeno:

- Ponuđaču
- F/AD,
- a/a.

